

Safet Kešo, zastupnik SDA u Predstavničkom domu

Parlamentarne skupštine Bosne i Hercegovine

Sarajevo, 10.2.2025.godine

PREDSTAVNIČKI DOM PARLAMENTARNA SKUPŠTINA BOSNE I HERCEGOVINE SARAJEVO			
PRIMLJENO: 12-02-2025			
Organizacija i jedinica	Klasifikaciona oznaka	Redni broj	Broj priloga
01-50-1-		709/25	

- Predsjedavajućem PD PS Bosne i Hercegovine
- Dopredsjedavajućim PD PS Bosne i Hercegovine
- Ministarstvu vanjskih poslova Bosne i Hercegovine

U skladu sa članom 166. Poslovnika Predstavničkog doma Parlamentarne skupštine Bosne i Hercegovine, **upućujem sljedeća pitanja Elmedinu Konakoviću, ministru vanjskih poslova** u Vijeću ministara Bosne i Hercegovine:

1. Koliko je diplomatskih pasoša dodijelio ministar Konaković od dana njegovog imenovanja na dužnost ministra vanjskih poslova do danas, preciznije od 25.1.2023. do 10.2.2025. godine?
2. Ko su lica kojima je ministar Elmedin Konaković dodijelio diplomatske pasoše (molim da mi tabelarno navedete imena i prezimena tih lica, osnov za izdavanje diplomatskog pasoša sa navedenim članom Pravilnika koji potkrepljuje taj osnov, funkciju lica kojem je dodijeljen pasoš, srodstvo drugog/drugih lica sa nositeljem funkcije, uzrast odnosno godine starosti ako se radi o djetetu kao i to da li se radi o Listi „A“ ili o Listi „B“)?
3. Postoje li među licima kojima je ministar Konaković dodijelio diplomatske pasoše i neki privrednici koji su finansirali NIP, političku partiju na čijem je čelu upravo sam ministar?
4. Postoje li među onima kojima je ministar Konaković dodijelio diplomatske pasoše i lica koja imaju problema sa zakonom i sudske sporove u našoj zemlji ili u drugim zemljama?
5. Postoje li lica za čije je izdavanje diplomatskog pasoša procedura u toku i ko su konkretno ta lica?

OBRAZLOŽENJE:

Članom 10. Pravilnika o izdavanju diplomatskih pasoša propisana je obaveza Ministarstva vanjskih poslova da po službenoj dužnosti vodi evidenciju o izdatim diplomatskim pasošima.

Postoje informacije da je ministar Konaković do sada dodijelio nekoliko desetina diplomatskih pasoša bez potrebne transparentnosti na koju javnost ima pravo. Razlozi za šutnju u vezi sa ovim važnim

pitanjem jednostavno ne smiju postojati, osim ako oni nisu skriveni upravo u samim imenima i funkcijama lica kojima su diplomatski pasoši naše države dodijeljeni.

Obavješćavanje javnosti prilikom izdavanja svakog diplomatskog pasoša pojedinačno od posebne je važnosti ne samo za transparentnost korištenja instituta diskrecionog prava ministra vanjskih poslova na dodjelu diplomatskih pasoša u skladu sa Pravilnikom, nego i za preveniranje mogućih koruptivnih radnji.

Važno je podsjetiti da se, pored Pravilnikom decidno navedenih vršilaca državnih funkcija koji na njega imaju pravo, diplomatski pasoš može izdati i: " drugom licu, državljaninu BiH, za koje ministar smatra da je od posebnog interesa za Bosnu i Hercegovinu".

Da je kojim slučajem svaka dodjela diplomatskog pasoša u mandatu ministra Konakovića izvršena transparentno, javnost bi imala priliku da provjeri i da se uvjeri da li se prilikom dodjele konkretnog diplomatskog pasoša ministar rukovodio interesima države Bosne i Hercegovine ili pak ličnim, familijarnim, stranačkim ili nekim drugim interesima.

Pošto to nije bio slučaj, odgovori koje ovim putem decidno tražim ponudit će informacije o ovoj izuzetno važnoj temi.

S poštovanjem,

Zastupnik:


Safet Kešo